

# L A P U N T



## Infuormaziuns

da la corporaziun evangelica  
Ardez-Ftan-Guarda



**NOVEMBER, DECEMBER 2020 E SCHNER 2021**

### La corporaziun Ardez-Ftan-Guarda es online - ed otras novitats

Daspö d'incuort ha nossa corporaziun üna pagina d'internet.

Suot [www.ardez-reformiert.ch](http://www.ardez-reformiert.ch) as chatta novitats, ün chalender d'occurrentzas ed infuormaziuns sur da nossa corporaziun e da la vart da la baselgia chantunala. Sün quella sun eir publicadas infuormaziuns e müdamaints a regard la situaziun speciala da Covid-19.



**Selina Bisaz** ha nom nossa nouva secretaria chi ha cumanzà sia lavur al cumanzamaint d'october. Ün cordial bainvgnü! Ella es oriunda da Zernez ed abita a Scuol. Ella s'occupa da nos secretariat sco successura da Regula Bücheler. No ingrazchain cordialmaing a la partenta per sia lavur prestada per nossa corporaziun.

Sco fin uossa as raggiundscha la secretaria tras il seguaint nomer da telefon: 081 860 34 10 o per e-mail: [secretariat.pravenda@bluewin.ch](mailto:secretariat.pravenda@bluewin.ch).



l'rom da l'eivna da las religiuns 2020 spordscha il proget «**in viadi**» üna visita dal taimpel induistic a Zizers. Daplü infuormaziuns chattaivat in quista gazettina ed eir sün nossa pagina d'internet. Ün cordial invid a quist viadi!



Ed amo quist: A partir dals 1. schner 2021 as fuorman in nos Chantun «**regiuns ecclesiasticas**» sco successuras dals «colloquis». Nossa regiun ecclesiastica ha la listessa extensiuon sco'l colloqui VIII – Engiadina Bassa-Val Müstair actual. Ils nouvs statüts da la regiun ecclesiastica ston gnir approvats da las radunanzas generalas da las corporaziuns. Pro no ha lö la radunanza generala insembel cul preventiv in mardi als 3 november a las 20.00 illa chasa da scoula da Guarda (Verer la bannida agiunta).

# Cinema baselgia

## Film «Zwingli», mardi, 24 november 2020 a las 20.00

illa baselgia d'Ardez



Il film dal redschissur svizzer Stephan Haupt quinta la vita dal refuormatur zürigais Huldrych Zwingli tanter il principi da seis sacerdotadi al Grossmünster a Turich als 1 schner 1519 e sia mort sül chomp da battaglia a Kappel als 11 october 1531. Il film es implü testimonianza socioculturala e confessiunala dal cumbat per libertà, solidarità e güstia in üna perioda da gronds müdamaints da valurs in Europa.

*Dürada: 2 h e 8 min. - Deutsch - Entrada libra/collecta - Liber a partir da 14 ons*

## Film «Asterix» dumengia, 17 schner 2021 a las 17.00

illa baselgia da Guarda

Davo cha'l druid Miraculix es cupichà d'ürant il cleger vis-cha decida'l da pisserar per l'avegnir dal cumün. Insembel cun Asterix ed Obelix as metta'l in viadi in crusch ed in traviers tras Gallia. El tschercha ün giuven druid cun talent al qual el po tradir il secret da la bavronda miraculosa. Ma na be ils admiratur fidels dal druid insömgian da gnir a savair da quista bavronda. Eir bliers invilguoss han interess, ün dals plü noschs tanter els: Dämonix, il rival daspö la scoula da druids.



*Dürada: 1 h e 26 min. - Deutsch - Entrada libra/collecta - Liber a partir da 6 ons*

## Occurrenz da noss progets:

### • in viadi

#### Visita dal taimpel induistic a Zizers

Dals 7 fin als 15 da november daja in tuot la Svizra arrandschamaints per promover il dialog tanter las religiuns e las culturas. Nos buonder ans manarà als **9 obain als 10 da november aint il taimpel induistic a Zizers** (Hindutempel). Il viadi es adattà per tuots. Infuormaziuns sur dal viadi ed il talun per s'annunzchar chattais a partir dals 27 october sün nossa pagina dad internet: [www.ardez-reformiert.ch](http://www.ardez-reformiert.ch). Fat il bain da s'annunzchar fin als 1. november.



Per ulteriuras infuormaziuns: Silvia Schlegel, 079 585 47 91

### • cinéMa na be



Las sairadas da film organisadas da giuvenils per giuvenils van inavant!

Tuot las indicaziuns sur dal prossem film vegnan fattas attent sün placats i'ls cumüns e via Whatsapp.

Per ulteriuras infuormaziuns: Silvia Schlegel, 079 585 47 91

## • Il Sainin

Venderdi, ils 27 november 2020 e venderdi, ils 22 schner 2021

adüna tanter las 9.30 e las 11.00, illa sala cumünala ad Ardez.

Ün cordial invid a tuot ils uffants tanter 0 e 5 ons e lur genituors, nonas o bazegners da gnir a tadlar ün'istorgia da la Bibla, da chantar, da giovar e da star da cumpagnia.



## • Predgina



Tuot ils uffants a partir da 4 ons, da Garsun, Guarda, Bos-cha, Ardez e Ftan sun cordialmaing bainvgnüts. A partir dals 1. november ha lö la predgina diversas dumengias. Las datas vegnan comunicadas in scoulina e scoula. L'inscunter es adüna illa **biblioteca d'Ardez da las 10 a las 11**. Infuormaziuns pro las manadras:

Annina Mengiardi (081 862 23 52) e Cilgia Koller (079 266 90 37)

## Meditaziun d'Advent cun tuns e plets illa baselgia d'Ardez

dumengia, ils 20 december 2020 a las 16.00

Cun melodias d'Advent e plets meditativs ans laina preparar per Nadal. La meditaziun vain manada da Gianna Vital-Janett e Marianne Strub.



## Chant intuorn cumün a Ftan

marcurdi, ils 23 december a las 19.30. Ingon davent da Bügl Suot.

## Bös-chins da las scoulas



Las infuormaziuns a regard ils bös-chins vegnan comunicadas da las scoulas. Il bös-chin Ardez e Guarda es previs als 21.12.20 a Guarda ed il bös-chin a Ftan als 22.12.20.

No giavüschain a tuot ils scolars ed a tuot las scolaras e lur famiglias ün fich bel Nadal!

## Concert da Büman illa baselgia da Guarda

Als 1 schner 2021 invidan las duos musicistas Laia Valentin Braun ed Ursina Maria Braun insembel cun lur amis da musica da la Germania e da l'Ingalterra a duos concerts illa baselgia da Guarda. Pel on nouv clingia il quintet da musica a corda C-Dur D 956 da F. Schubert. Il prüm concert cumainza a las 15.00, il seguond concert a las 17.00.

Entrada libra/collecta.

## Maisas da giantar per tuots dad Ardez e Guarda


Las prosmas maisas da giantar han lö i'l **hotel Alvetern ad Ardez**:

mardi, ils 3 november

mardi, ils 22 december

mardi, ils 5 schner

Annunzchas fin il **plü tard** il di avant la „maisa“ pro Erna Fontana, tel. 081 862 23 50. Per giasts da Guarda vegn organisà il transport.



Pervi dal „Covid-19“ esa pussibel chi nu pon gnir realisadas tuot las sportas impromissas. In ogni cas staina observar las masüras da l'uffizi federal da sandà publica UFSP (BAG) e dal Chantun Grischun.



Tuot ha seis temp ... ed uschè giavüschaina a Vo tuottas e tuots adonta da tuot l'intschertezza e las restricziuns momentanas illa vita dal minchadi, ün bel temp d'utuon invia sün ün paschaivel Advent e Nadal.



## Täglich mit Gott 2021

Ün bun pled per mincha di – Il chalender cuntegna üna cuorta meditaziun sur d'ün text biblic sco eir ün text litterar per mincha di. Chi chi vess gugent da cumprar ün chalender po far a savair quai fin als **10 november** pro'l secretariat (081 860 34 10) o pro rav. Marianne Strub (081 862 32 61).

Predsch: Chalender **21.-**, Cudeschin **26.-**



## Casualias in noss cumüns

### Battaisems:

Lara Fedi, 23.8.2020, Ardez

Giulia Hürlimann, 29.8.2020, Guarda

Marino Joris Stuppan, 13.9.2020, Ftan

Lasse Vulpi, 27.9.2020, Guarda

### Nozzas:

Claudia ed André Gemassmer-Campell, 18.7.2020, Sur En d'Ardez

Chantal e Marco Stecher-Salzman, 10.10.2020, Ftan

### Mortoris:

Babina Thomas-Clalüna, 15.8.2020, Ardez

Cati Peyer-Schucan, 27.8.2020, Ardez

Lüzza Cadonau, 4.9.2020, Ftan

Babina Blanc-Claglüna, 8.9.2020, Ardez

Lydia Morell-Allemann, 28.9.2020, Ardez

Natalin Riatsch, 2.10.2020, Ardez



## Adressas:

### Pravenda

Dna. rav. Marianne Strub,

Chasa da pravenda, 7546 Ardez

tel.: 081 862 23 61, e-mail: [marianne.strub@gr-ref.ch](mailto:marianne.strub@gr-ref.ch)

### Secretariat

tel: 081 860 34 10

[secretariat.pravenda@bluewin.ch](mailto:secretariat.pravenda@bluewin.ch)

[www.ardez-reformiert.ch](http://www.ardez-reformiert.ch)

